


# Utyelelo elwandle



ISIXHOZA

Inqanaba:

1

Incwadi

2



# Ukufunda ngokwamaqela ngoncedo lukatitshala

## Phambi kokufunda

- Tyhila ibali abaza kulifunda. Thetha ngemifanekiso.
- Cela abafundi baqashisele ukuba lingantoni na ibali ngokujonga kwizihloko nemifanekiso.
- Cacisela abafundi amagama amatsha okanye anzima phambi kokuba baqalise ukufunda.
- Yenza amakhadi amagama ukufundisa isigama esitsha. (Jonga uluhlu lwasigama esitsha kumphakathi woqweqwe lwangasemva.)

## Xa kufundwa okokuqala

- Abafundi mabafunde incwadi ngabanye-ngabanye.
- Abafundi mabafunde ngokuthe cwaka okanye bafunde incwadi ngokusebeza.
- Yiya kumfundu ngamnye umcele ukuba afunde umhlathi encwadini ekhwaza.

## Ingxoxo

- Buza imibuzo evavanya ukuqonda esekelewe encwadini.
- Gxinisa kwizandi, amagama angaqhelekanga okanye anzima nakwisigama.
- Uya kufumana imisebenzi engemva kule ncwadi iluncedo ekukhokeleni ingxoxo. (Khetha imisebenzi elungele umgangatho wabafundi).

## Xa kufundwa okwesibini

- Kwiintsuku ezilandelayo, bayeke abafundi bafunde kwakhona, ngababini okanye emnye.
- Gxinisa ekufundeni kakuhle, igrاما nesigama.
- Bayeke abafundi bagqibezele imisebenzi equkwe ngemva kule ncwadi ngokwamaqela. Khetha imisetyenzana efanele umgangatho wabafundi.



Abafundi mabenze umdlalwana  
ukuba incwadi iyakuvumela oko.



Abafundi mabenze imisebenzi yokufunda ngokwamaqela emva kwesifundo. Bayalele abafundi basebenze ngokwamaqela benze imisebenzi efanelekileyo yokufunda ngokwamaqela efumaneka ngemva encwadini. Mabangabhalu kule ncwadi. Imisebenzi ebhalwayo mayenziwe kwiincwadi zabo zemisebenzi.

# Utyelelo elwandle



UJoseph, uThabo, uMartha no Mohammed ngabantwana abathanda ukuhlola izinto kakhulu. Bayakuthanda ukunyuka intaba, ukudada edamini nokuntywila elwandle.

Ngenye imini aba bantwana bane bagqiba ekubeni bathathe uhambo ngenqanawa elwandle ukuze babone ihlabathi.


"Masijonge imephu sibone ukuba singayaphi kuhambo lwethu ngamanzi", utshilo uThabo.



Bapakisha imephu, ikhampasi,  
imelana ehlala epokothweni, iibhegi  
zokulala ezi - 4, ithotshi, ikhamera  
nokutya okwaneleyo kwenyanga.

“Singazilibali izikhuseli zethu  
zokuqubha”, utshilo uJoseph.

Bepakishe konke futhi bonwabe  
kakhulu, abantwana abane baqalisa  
uhambo lwabo ngamanzi ukutshona  
kwelanga.



Bahla besenyuka behamba  
emazeni. Bahamba ubusuku bonke.

Yayibubusuku obunoqhwithelo.  
Umoya wavuthuza aze amaza  
ayjithwaxa ngamandla inqanawa.



UMohammed wabona isibane  
esidanyazayo kude. Yayiyenye  
inqanawa futhi isiza ngakubo.  
Wanqakula itheleskophu wenyuka  
waya kwindlwana kanomyayi  
ukuze ayibone kakuhle.

"Ingaba loluphi udidi lwenqanawa?"  
wabuza uMartha.

Ingayinqanawa ejikeleza  
yonke indawo okanye  
inqanawa ethwala  
izithuthi," utshilo  
uJoseph.






Inqanawa yasondela. Ayemaninzi  
amadoda ngaphakathi.

Abantwana boyika kakhulu  
bakubona inkangeleko yawo.

"Lumkani! Abaphangi  
baselwandle!" wakhwaza uThabo.

"Ziintoni abaphangi baselwandle?"  
wabuza uMohammed.

"Abaphangi baselwandle  
ngamasela aba izinto kwabanye  
abahambi ngolwandle," utshilo  
uThabo.



"Masizilungiselele silwe  
naba baphangi baselwandle  
ngokuhlwanje," utshilo uThabo.

Amakroti aselula azixhobisa  
ngeesabile zawo zeplasitiki  
elungiselela ukulwa.

"Kapteni Joseph khokela indlela!  
Siza kuhlala ezithendeni zakho!"  
bakhwaze batsho uMohammed,  
uMartha noThabo.



“Baphangi baselwandle, hambani!”  
bakhwaza abantwana.

“Thabo, biza unogada waselwandle  
ngokukhawuleza!” wayalela njalo  
uKapteni Joseph.

Kwimizuzu embalwa, abantwana  
beva isandi esikude sehelikopta  
yohlangulo. Zehla izibilini bakubona  
abaphangi baselwandle bejika  
inqanawa yabo bengxamile kweso  
sithokothoko sobumnyama.  
U<sup>K</sup>apteni Joseph yindoda  
enamacebo!



"Huree!"

"Sikhuselekile! Abaphangi  
baselwandle bemkile!" bakhwaza  
abantwana bechwayitile.

UKapteni Joseph liqhawe lethu!  
Xa sinaye njengenkoheli, akukho  
ngozi!" bakhwaza kwakhona.

Kwakusele kuza kusa. Noqhwithelo  
Iwalusele ludambile. Ingozi idlulile.

Abantwana baqhubeka nohambo  
Iwabo, bevuyela ukubuyela kuhambo  
Iwabo kwakhona, bahlole ihlabathi  
ilonke.




Basuka emaNtla ukuya emaZantsi  
baze badibana nabanye  
abantwana abasuka kumazwe  
awohlukeneyo.

Bathi bakufika ekhaya, babalisa  
amabali baze babonisa abazali  
nezihlobo iifoto zabo.

Bebekutyelelo abangasayi kuze  
baphinde balulibale!

Xa **kukho** into **oyoyikayo**, elo  
**lithuba** lakho **lokuba** UBE  
**LIKROTI!**





# Abantwana behlabathi

Jonga le mif anekiso uze ujunge ukuba aba  
abantwana baphuma kweziphi iindawo.

CANADA



SPAIN



ENGLAND



HAWAII



ITALY




NORTH AMERICA



MEXICO



EGYPT



KENYA



PERU








# Imisebenzi yokufunda yamaqela



- a. Xelela umhlobo wakho ukuba ulithandile na ibali okanye akulithandanga.
- b. Ukuba ubungu Kapteni Joseph. Ubuza kwenza ntoni?
- c. Masithi ihelikopta yohlangulo ayizange ifike. Ucinga ukuba ngekwenzenka ntoni?
- d. Ingaba ucinga ukuba eli bali yinto eyayenzekile?  
Nika isizathu sempendulo yakho.
- e. Landeleanisa le mifanekiso ilandelayo ngokwasebalini.



Jonga le mifanekiso mi - 2. Cinga ngale mibuzo ilandelayo uze uxoxe iimpendulo zakho nomhlobo wakho.



- a. Kwenzeka ntoni kumfanekiso ngamnye?
- b. Ucinga ukuba abantwana baziva njani xa babesenza izicwangciso zohambo lwabo okokuqala?
- c. Ucinga ukuba bazive njani xa bebona abaphangi baselwandle?
- d. Wakhe waziva wonwabile futhi usoyika?  
Kwakwenzeka ntoni?



**3**

Gqibezela lo msebenzi:

- a. Fumana amagama ebalini anezi zandi zilandelayo uze uwabhale kwincwadi yakho yomsebenzi: hl dl
- b. Fumana amagama anezi zandi zilandelayo ebalini uze uwabhale phantsi: nk ntyw ngx
- c. Khangel a ebalini amagama anezi zandi uze uwabhale: tsh ny qhw qh ny kr ph
- d. Bhala la magama alandelayo kwisichazi - magama sakho unike neentsingiselo zawo.  
emantla emazantsi ngokungxama  
iifoto abaphangi
- e. Gqibezela ezi zivakalisi usebenzisa izalathandawo:
  - i. Siza kuhlala \_\_\_\_\_ zakhe.
  - ii. Basuka emantla baya \_\_\_\_\_.

f. Bhala ezi zivakalisi zilandelayo kwixesha langoku.

i. Umoya wawuvuthuza.

ii. Babefuna ntoni?

g. Bhala ezi zivakalisi kwakhona uze ufake iziphumlisi ezifanelekileyo.

i. huree bakhwaza abantwana bonwabile

ii. sikhuselekile

iii. ukapteyini joseph liqhawe lethu



4

Funda nomhlobo ze niphendule le mibuzo.

a. Sithini isihloko sebali?

b. Ngoobani abadllali abaphambili kweli bali?

c. Lenzeka phi eli bali?

d. Ucinga ukuba basekhona abaphangi baselwandle? Kuba kutheni?

e. Ucinga ukuba kukhuselekile ukuba abantwana bahambe bebobwa?  
Nika izizathu zempendulo yakho.




5

Shwankathela ibali ngawakho amagama. Bhala umhlathi omalunga nezivakalisi ezisi - 8. Zoba umfanekiso obonisa esi sishwankathelo.



b

Zoba umzekelo wekhampasi ebonisa iimbombo zone zomhlaba:  
**UmNtla, umZantsi, eMpuma  
naseNtshona.**



# IBANGA 3 ULWIMI LWEENKOBE



## Incwadi 2

Isihloko:	Utyelelo elwandle
Ulwimi:	IsiXhosa
Inqanaba:	Incwadi yamabali yoLwimi Lweenkobe yeBanga lesi-3 Incwadi 1 Inqanaba 2
Uhlobo lwencwadi:	Ibali
Amagama ajongwayo:	abantwana, bagqibe ekubeni, yabo, kwanele, ngokuchasene, ebusuku, ngokwabo, -hlukileyo
Isigama:	uhlolo, uhambo, ikhampasi, ibhatyi yobomi, itheleskophu, indlwana kanomyayi, abaphangi elwandle, ngokungoyiki, phonononga, ohlukileyo, hlala ezithendeni
Izandi:	hl, nk, dl, th, qh, qhw, nk, ntyw, ngx, ny, tsh, ty, kr
Umxholo, amagama nezakhono:	<ul style="list-style-type: none"><li>▪ Uvakalisa ulovo malunga nebali.</li><li>▪ Ubonisa unobangela nesiphumo ebalini.</li><li>▪ Uyaphicotha, athelekise aze achasanise ulwazi</li><li>▪ Ukhangela amagama ebalini anezi zandi zilandelayo: qhw, ntyw, th, ngx</li><li>▪ Bhala amagama kwisichazi-magama sakho.</li><li>▪ Uggibezela izivakalisi ngokusebenzisa izalathandawo.</li><li>▪ Ubhala ngokutsha izivakalisi kwixesha langoku.</li><li>▪ Ufakela iziphumilisi kwizivakalisi.</li><li>▪ Uphendula imibuzo yovavanyo lokuqonda.</li><li>▪ Ushwankathela ibali (1 umhlathi, 8 izivakalisi).</li><li>▪ Ubonisa ibali ngemifanekiso.</li><li>▪ Wenza ikhampasi.</li></ul>

Inkubo ye-CAPS igunyazisa ukuba ootitshala babe nexesa abalibekela bucala ngosuku ngalunye, kulungiselelwa ukufunda ngamaqela encediswa ngutitshala.

ukufunda ngamaqela encediswa ngutitshala kujolise ekubeni abafundi abakwinqanaba lokufunda elifanayo bafunde isicatshulwa esifanayo ngoncedo lukatitshala.


Utitshala kufuneka enze isicwangciso sokufunda esiquka iindlela zobuchule bokufunda nokuqonda amagama, zokuxhobisa abafundi xa befunda.

Ezi ndlela zobuchule ziquka "incoko ngebali" ephakathi kukatitshala nabafundi, nephakathi kwabafundi emaqeleni abo. Ezi ncwadi ziqulethe iqela lemisebenzi malunga nezi "ncoko ngebali". ukuqonda neminye enokunceda ootitshala ekukhokeleni ukufunda ngokwamaqela emagumbini abo.

ISBN 978-1-4315-2642-0



9 781431 526420



ISBN 978-1-4315-2642-0

**THIS BOOK MAY NOT  
BE SOLD.**



**basic education**

Department:  
Basic Education  
**REPUBLIC OF SOUTH AFRICA**

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Ezinye iincwadi ezikwithala leencwadi zebanga loku-3 zoLwimi Lweenkobe:



UMvundlana ughatha uMpungutye

Utyelelo elwandle

Uyolo lwasekhithshini

Idayari kaNozikhalazo



Izilwanyana ziqhweshile

UThandi unemini embi

Impelaveki esingasoze siyilibale



Irhamncwa ekhabbhathini

Ityala lokulahlekwa kwamaqbengwana

Yinyaniso emsulwa